

بیلیمیر. ال لرینی قالدیرابیلیمیردی. اؤز تعبیری یله ایچینده کی سویوق لوق دامارلاریندا کی قانی دوندورموشدو سانکی. سؤزجوک لرین بیر آن ایچری سینده پیرتلاماسینی سئویرم. کئشکه سؤزجوک لر بیر آن دا موسیقی دن چیخان بیلهن ائش زامان لی سس لر کیمی چیخسایدی. دؤرد گؤزلو دولوخموش گؤز لری یله منه باخیر. هیجان دان هسه کله بیر. تانیما یان، ساغ الینده کی قایچی و سول الینده کی مئوه پیچاق لارینی گؤرسه بیرینی اؤلدورمه یه گئتمه سینی ساناردی. بؤیوک قارداشیم سککیز ایل اؤنجه مطبخ پیچاغی یلا گئدیب اؤلو قایتماسی اونو بو گونه دوشورموش. اون دان بری الینه گئچهن هر تورلو ایتی نسنه نی توپلا ییب گیزله دیر. قایغیسی من دن دئیل اؤزوم دن کیچیک قارداشیم دان دیر. آغ ساچ لاری آرخایا تارانمیش، یئی حامام دان چیخمیش قیرمیزی دری سیندن تر آخیر. «بو او دئیل»، جومله سینی دئویرسن «او بو دئیل». جومله لر زامان دان گئری قالیر. مع الاسف ائش زامان لی یغی بیر یئرده آنلادامیرلار. مع الاسف الشدید... اینسان لاری، قونولاری، یاشادیق لاری زامانی پارا گراف لارلا آیرمالی سان؛ دئمک پارا گراف لارین ناموسونو قورومالی سان. هله هارالارینی گؤرموش سن ایکی دؤنه Enter دویمه سینی باسماق لا ایللوزیونیستلیک یاپارسان. ارکک سی گؤز لریندن گئچه بیلسن یوموشاق اوره بیندن گئچه مه زسن.

«قارا قافلان لار» چته سیندن چیخان او چونجو کیشی نین چیخماسیندان آیلا ردیر گئچیر. اعتراف ائدیرم بونو بیلینچلی اولراق حافیظام دا اوره دیرم. ادبیاتا گیره لی اوزه رینده چالیشدیغیم قونولاردان بیر، خاطر لاما ق دیر. منجه اینسان بیر خاطرانی آنینجا بیئینده یئی دن جانلان دیریر و گئچمیش ده کی لرینه گؤره فرقلی بیر شئی اوره دیر. جئیم ده کی الیم ترله میش؛ ترله مک له بیر لیک ده زامان گئچیشی نین فرقینه واریرام. سانکی زامان ایسلاق بیر شئی میش ده آدامین آوجونا دولارمیش. اسکی قارا قافلان لار چته سی ایندی بیزه اوتانچ وئریجی بیر شئی کیمی گلیر. ساعت ۱۰:۵۳ او گؤستریر. باش بارماغین او جویلا آشاغی یا یؤنه له ن اوخ ایشارتی نین خفیف باسما سی یلا ماوی بیر زمینه ایچینده بونو گؤره بیله رسن. دیسکینیرم. بیلیمیرم من بؤیله یه م یوخسا هر مودئرن اینسان زامانی سینیرلارا بؤلوب یاشامینی بو کسیم لر ایچینده سوردوردو یونه گؤره بؤیله حیس لره قاپانیر. باشقا تئوریمه گؤره زامانی زامانلا ماغا اؤلچو تعین ائتدیییمیز زامان هر شئی دوزه نله نمیر ده قاریشیر. قارما قاریشیق اولونجا دا اؤز قارما قاریشیق لیغینی اینسانا او خدورور. بیر زامان لار آغلیمیزا گلی وئردییینده کارتون اوزه رینده یازدیغیمیز تئوری لر و تئوری مسأله سی منه تاخینتی اولدوغو ایچین پارتئیرم گرک میزاح گرکسه گئرچک منیم اوزه ریم ده چالیشدیغیندان دئیر. مقاله سی نین ده آدینی «قورامجی اینسان» قویدوغوندان سؤز آچیر.

ژله کیمی بیر شئی باشیندا چالخالانیر. باشی نین هر ترینمه سی یله اویناییر و سایدام وارلیغینی گور بیر سس له بیر کره داها اعلان ائدیر. گؤز لرینی آچینجا تاوان دان تۆکوله ن گچین آلتیندان اؤزونو آیرسیر جاسینا گؤستره ن کریجی گورور. «رضا رضا میندی خوروزا گئتدی شیرازا باجی سین وئردی قیرخ باتمان دوزا» بیئین ده او خونور. بونو سانکی

باشینداکی ژله وارلیق اوخویور. اوشودور. ساغ یاناشاسینا یاتیر. دؤنهر دؤنمه ز رحمتلی اری نین عکسینی گؤرور. گونلر اؤنجه گولومسه یه ن کیشی نین قیلیغیندا بوگون اینانیماز بیر جیددیت وار. آغزینداکی حالت اسکی لری کیمی دیر. سانکی قونوشدوغو یترده عکس سالمیش. اوغلو شارژداکی جئب تلفونونو اونا تاپشیرمیش دیر.

«قارا قافلان لار» آدینا رغمن چته میز تروریست بیر اؤرگوت اولمایا جاق دی. هدفیمیز یالنیز توپلومون آلت قاتلارینداکی اینسانلاری حرکت گئچیرمک دی؛ دئمک سونرالار بؤیله اولدو. کیچیک تئوری لردن بیله دئوریمسل بیر حرکت چیخارماق ایسته ییردیک. آنجاق بؤیله اولمادی. چیی آدام لارین تئوری لری ده بول اولار. اؤنجه اصطلاحی دوزه لدیب سونرا اوزه رینده آراشدیرما آپاراردیق. اؤرنه یین «اکونومیک گؤسترگه بیلیم» ی کیمی اصطلاح لار. ایکی میزدیک. ایکی آدام لا توپلوم دوغولور؛ یالنیزلیق لاریندان خبرسیز ایکی آدام لا دوغولوب دوغولمادیغینی بیلیم. بیریمزه سویوق ده یسه یدی توپلوم اولوشمازدی. نه یسه دئوریمسل حرکت لره ان آزی ایکی کیشی لازیم دیر. ایل لر بویو دونیادا توتولان موضع لری تعقیب ائدیب چئشیتلی قونولاردا دنیا لیدئرلری نین موضع لرینی اؤیره نیردیک. هر حال دا قورو مانکن لر دئیل دیک. دونیانی ده ییشدیرمه یه بیر سورو قورال لاری دو شمانلاریمیزدان بیله اؤیره نمه لی یدی. چونکو ظاهرا پراگماتیزم هر یترده حلال میش. «کئشکه سیچان اولایدیم» پیام حذف شود؟- حذف شد.

شارژداکی موبایل صفحه سی نین باشی نین ساغ یاناشاسیندا نفس آلیب وئرمه یی آندیران بیرنئچه چیزگی نین دولوب بوشالماسی تانیس دی. «یاشیل آچار قیرمیزی قاپادار» جومله لرینی ازبرله میش دی. قاپی زنگی چالینیر. زنگ چالینینجا سانکی باشی ایچینده کی ترپه نه ن اک وارلیق دا گوجه زورا دوشور. نه موتلو کی اونلارین قاپیسی دئیل. قاپی آچیلما سسی گلدی. قونشو قاپیسی دیر. گؤزونو یوموش کن اری نین عکسینی گؤزو اؤنونده جانلاندیریر.

La terra ruotava, ma il luogo ove il filo era ancorato era l'unico punto fisso dell'universo بیلیم. گئرچک دن بیلیم. باشیم دولانیر. سیاسی پارتنریمین اکیز خالالاری بیرنئچه اؤیرنجی و بیلدیمیزجه اورتا ائیتیم لی گنج و اری یله چکیشمک ده اولان باشقا بیر قادین لا درنک قورموش دولار. اونلارین ارکک قارشیتی حرکت لرینی اصلا دوغرو بولموردوق. اونلاری بیزیم له چالیشمالارینا گؤره اویسیمیزه چاغیرمیشدق. آنجاق اونلار بیزلرین هدفینی اونلاری باغیمسیزلیق لاریندان ائتدیرمک بیلیردیلر. اویس قاپی سینین آراسینی آچیق قویمالی یدی. طبیعی کی بیرنئچه قادین ایکی گنج اوغلان لا «نه ایش لری وار؟» سوراردی لار محله ده کی هر شئی برون اوزادان لار. اولی قادین ال لرینی اؤلچه اؤلچه قونوشوردو. باروتلاندیغی زامان البته کی قافلان لاری قورخودوردو. سؤزلری هئچ بیر فلسفی دایاناغا دایانمیردی آنجاق دراماتیک زنگین لیبی بیزی او زامان شاشیرماغا و بو گون لرده دیز چؤکمه یه مجبور قیلیمش دی. صحنه نین هیس توموش دووارلاری بیله قادینین درد ایله محنت دن قاینالانان گوجه صاحب اولدوغونا اعتراف ائدیردی. سسی تیره دیی زامان دووارداکی همزادلاریمیز یترده ییشه ن کیمی اولوردولار. باشیندا آخان لئچه یینی دوزه لتمک ایچین آچدیغیندا زئیتین رنگی ساچی و سوت رنگی بوینوندان یاری قارالیق اوتاغیمیزا جنت ایشیق لاری ساچدیریدی. دوروشو ساغلام، سؤزجو ک لرینده دورغونلوق یوخ دو. گؤزلری یاشلانینجا تام بیر مهارت له باشقا بیر

سس چىخاردىغىنى حىس اندەردىن. آرامىزا سو كوت چۇ كسە يىدى گودونو بىكە دىيىمىزى ساناردىن. بو آرادا يالنىز دىل بىلمەزلىك دن وىزىلدايان لامپا گودو مودو تانىمازدى. قارشىندا يورودويوندى چكىنە ك قىچ لارىنى ايشىنە دوشكون بىر عسكر كىمى دوزەن لە آتيردى. يان دان باخسايدىن آبارتلى اولمايان باسن لرى تىتيزلىك لە اوزلرېنى اوينادىردى. كونتروللو اؤفكە يە آياغى آلتىندا قالان كارتون لارى يانا دئويرىردى. گۆزلىك - كولتورل بىر سئچىمىن بىولوژىك اورونو-، گۆزلىك، قادين لارين هم گوج، هم سوچ قايناغى- يالنىز گۆزلىك دن پاى لارى اولان قادين لارين- . دلى لىك لە دئهانين آراسى- بو سۆز اوزوم دن دئىل- ندان فىرلانان يارى گولونچ يارى جىددى بىر تياترويا گىرمىشدىك. بىرى نەدنىنى سورسايدى بىلمە يە جك دىك. ايندى دە بىلمىرىك. يالنىز بىر شىئى يا وضعىتى داوام ائتدىرمك. داوام ائتدىردىكجە بىر نە دن بولوناردى بلکہ. بىلمىردىك. بىلمىرىك. بىلەرمى يىدىك؟

اۇنچە كارتونا سونرا دفترە گئچەن نظرىە مىزە گۆرە «زورونلو ايش بؤلوشدورمە» تئورىسى اساسىندا يىنە دە توپلوم دان آبرى دوشوردولر. ار كك اگە من ياپى اونلارى يالنىزلاشدىرمىش سا بو دفعە دە باشقا بىر توزاغا سالمىش دىر اونلارى البت؛ رنك دە يىشدىرەن آنجاق اؤيلە جە قالان ياپى. اونلار بو حر كترى يە بىزجە «جىنسيت آيرىتچى» لارى يىلار.

سىياسى فعالىت لرىمىزى اؤرت باس ائتمك ايچىن بىر ماغازا كىرايە ائتمىش دىك. كارتون يىغىردىق و بؤيلە جە توپلومون ايچىنە گىرىردىك. البتە بو ماغازا بىزىم چوخ ايش لرىمىزى اؤرت باس ائتمك ايچىن قوللانلىر. گوناها باتماق - دونىادا بؤيلە قوروم لارين يانى سىرا دوغال اولان بىر شىئى- و ايندى ايسە ادبىياتا دالماق. آنجاق اؤرت باسىمىز لاپ دا اؤرت باس اولماسىن دىيە اؤلدوم قارا گون لە قارا قافلان لار رسىم لى بىر پوستر دە تاپدىق. اوندا، پايزدا يارپاق لارى تۆكولموش آغاچ لار اؤنوندى - نىويورك پارك لارىنا بنزە يەن يئردە- دال دالا دورموش ايكى قارا قافلان گۆزوكور. اؤندە كى قولاق لارىنى ياتىرمىش دالدا كىنا باخاراق آغزىنى خىرىلدا ياراق آچمىش بئلىنە تاو وئرمىش. آرخاسىندا، قولاق لارىنى شكە مىش و اولدوقجا آچىق و گۆزلىرىنى احتمالاً دىشى نىن اوستوندىن جايدىرىب دىك باخان باشقا بىر قافلان گۆزوكور. شكىل تام بىزى يانسىماسا دا چوخ تحرىك ائدىجى دىر. ايچرى يە گئچەن هر كس اونلارى گۆرونچە بىرنئچە ئانىە گۆزونو اونلاردان آلابىلمىر. مدنيت مىن ايل لرجە اينسانىن اينسانى تحرىك ائتمە سىنە قارشى قويموش اولسا دا طىبعت آچىق ال لرى يە بونو اون دان اسىر گە مە مىش.

قونشو حىطىندە اوينايان بىرنئچە خوردا اوشاق پوروزلو و نىهايت درجە يوغون اولان سس لرى يە بىر شعرى اوست اوستە اوخويورلار. شعر فارسجادىر و ياتار قادين آنلاماق ايچىن بىر داها باش دان سونا اونون دىل بىلگىسى قورال لارىنى چىخارماق اىستە بىر. اوشاق لار اؤز اوپون لارىنا مشغول كن شعرى تكررلا ياراق اوزاق دان ائىتتىم گۆرە ولرىنى يئرنى يئتىرمك دە يىلر. كىمى ياپى لارى چىخارايلىمىر. دوغرو دان ائىتتىم آلماق لازىم. باشىندا كى تپە گۆزون جىنن وضعىتلى وارلىغى اير كىلىر. اونو غرىب قالماق دا ساخلا ماغا اصرارلى داورانىر. قادين النى نىن اوستونە آپارىر. بىر آز آوكلە بىر. نە دن بىلسىن و اصلا هاردان بللى، اسرارانگىز بىر گوجو يورويوشە سالان بو آوكلە مە لر اونو يوواسىندان چىخارار دىيە

داوام ائدير. آوكله ديكجه چيخمير كي هئچ سانكي يوخويا گئچير- كيم؟ هم قادين هم ده تپه گوزون جنين وضعيتلى وارليغي.

«آل پاچينوى من، دارم مى روم الهه رو از مدرسه بيارم، وقت كردى بيا بيرون». بو قادين لارلا هئچ بير قونودان قونوشمالى سان. پيام حذف شود؟ توپلوم بيليم ده گلەنك قويان سيرالى اولاراق ماركس، وبر و دوركيم ايله باشلاديق. ماركس و وبرين آدى بير يترده گلديينده باش قاريشديريجي بير سكتة يارانير. بو تورايش لره گيرمه نين پلانلى اولماسيني دوشونوردوك. آنجاق پلانلى دئدييميز شئين ان آزي بير يانى تصادوف ايچينده حركت ائدير. سونرالار ايپ اليميزدن چيخدى دا باشقا يئرله سوروكله نديك. بيلگين لرله ترمين لرين آدلارينا چوخ چكينيديك. مثلا گورگ زيملن آديندا بير اييمسريك ياتميش. گافمن ده گيزلى بير چيلغينلىق كشف اتميشديك. دوركيمه گوره ايمليمين پست ووردونو homo duplex قويموشدوم.

گئجه لرى كارتون دوكانى / اوفيس ده اوتوروب ياشيل گوزلرى يله معجزه گورموش كيمي كيرپيك چالمادان بيزه باخان بير يئنى يئتمه ايله سيگارا ايچه رك اوخويوردوق و اونون سوزلر يميزدن بير شئى آنلامادىغى نين سئوينجيندن حركت اؤنجه سى اوخومالارى سوردوروردوك. يانيميزداكى گاز كپسولو دولدوران ماغازدان گلەن ياپاي گاز قوخوسو ايسته نمەدن ناركوتيسيميزى تامين ائيدردى. ايشيميز جانلاندير ايله جه يم جه هر شافت و ماخت و بير بيليم آدمينين باشقا بير بيليم آدمى طرفيندن (بلکه عينادين؟) اورگانيك ينى مكانيك، مكانيك ينى اورگانيك ايله ده ييشديرمك جسارتى ايله - هر حالدا آنلامدا چوخ ده ييشيك ليك گؤستر مه ز- بير يئرله ده يوغونلاشدى دا اينجه لدى. باشينداكى جنين تپيكله مه يه باشلادى. ايندى تزه بوردا قادين باشا دوشوركى او دا اوردان چيخيب قورتولماق ايسته يير. دردلى بير آه چكير. بو عصبى جنين چيخماسى يلا بير ليك ده اولومون قاپيسىنى آچماق دان بدننى تير تير تيره يير.

قاير، قاير، قاير. ايش چكيب او چونجو شخصين بيزه گلە سینه چاتير. اونو كارتون دوكانيندا قوناق ائديك. بير نئچه توپلانتميز او خودوق لار يميزى بير يرينه گئچير مك له گئچدى. بير نئچه هفته سونرا هدف لريميزى اؤيرينجه بيزدن آيريلدى. البته بو راحتلىق لا آيريلمادى. بيزله «قورخونچ وارلىق لار» دئدى. بوردا سون سوسيال تئور يميزى ايره لى سوردوك: «مرکزین قورخونچلوغو اونون مخالف لرینه ده اوخور. بؤيله ليك له ياخشى نيتلى اولسالار دا يينه ده خالق اولنلاردان قورخاجاق». اينسان لارين آپولو تيك اولمالار ينى بير دا ياناغا دا ياتميش ديق آرتيق. بو كز «اوج پرسوناژ يازار ايزينده» كيمي بير شئى تورالاشماغا باشلاميش دى. دوكانين قاپيسى اورتولويدو. هر زامانكى كيمي اؤلومسولا مپا چيفت قاناتلى بؤجك لر اوچماسيندان چيخان سس لر كيمي سسله نيردى. توزاناق لى هاوانين يانى سيرا چوخ سورمه ز بير ياغمور چيله شمه سسى دنه دنه نجيس ليك لرى توكمه كيمي ياغماغا باشلاميش دى. سينير لرى پوزولونجا يووارلاق گوزو ايچينده كى قهوه رنگى گؤزبه يى يشار اراق اوينا ييردى. منيم ده گؤز لريم يشارير سسيم كسيليب توكولوردو. گؤز رنگيميز قهوه رنگى اولالا گؤز لرى گؤز لريمه غريب گليردى. باتيلى لار اؤز ماوى گؤز لورى يله بؤيله سینه پروبلم لر

ياشايرلار يا يوخ؟، بيلميرم. بللى بليسيز بير گولومسه مه اوزوم ده توخوندو. گولومسه مي سؤزلريني تأيد ائتدييم دن آغلاميش دي. اونا گوره بيز خالقي ايسته مه دن اوز اويونلاريميزا چكه جك ديك. اونلاري صحنه يه چيخاراجاق ديق اما اويونلاريني راست گله اولاي لارا تاپشيرا جاق ديق. چته ميزين آديني گولونچ بولدو. «زوران قارا پيشيك تاپيلان بير مملكت ده بو آدي هاردان گتيرميش سيز ديهه تعجب ائديرم» دئدي. ساققالي سئيرك قاراشين اوغلانين جسارتي خوشوما گلدی اما گئتدی کی گئتدی.

بير بو بير ده پارتنئريم دن گيزلين آدلانديرديغيم «خالالار درنه يي» اويه لرينين توتوقلانماسي يلا بيرليك ده تويلوم دان ادبياتا قاپانديق. اونلاري توتوقلاماقدان اؤنجه هدى باش باشا قويماق يوخسا قارا قورخو گلمك بيلينه يه ن، «ممه لر نيزين قدريني بيلين» جومله سينده بير يازي اويونجاق ماغازالارينا گلير - قاباغيندان گنچدييم زامان ايسته ر ايسته مه ز اوزومو اؤزونه چكه ن و دؤشوم ده كي باليغى سوسوز بير شيشه ايچينده چيرپينديران ماغازا. - هئچ كيمسه دن قوشوقلانا بيلمير يازيني دا پوليسه گؤستره بيلمير لر. هر حالدا جينسيت آيرتچيلغي نا اينانان لار باشقا جينسيت آيرتچي لاريني توتورلار. بيز ده سياست ده هئچ بير شئى ال ده ائده بيلمه يه جه ييميز دن دولايي سياسى قارا قافلان لاردان باشي آشاغى ادبياتچي قارا قافلان لارا دؤنوشدوك.

ايلگينچ دير؛ لوبنانلى لار «ث» يي «ت» تلفظ ائديرميش لر. اووه ساعت ۱۱:۰۲. تلفون چالير. باشيندا كي وارليق سانكي «دور تلفونو گؤتور» ديهه چيغيريردي. هله ده مني «حاجي» خطاب ائدير. باشيندا كي وارليق گويا «ياشيل آچار قيرمیزی قاپادار» اولوم پارولاسيني خاطيرلادير. «قدرتين اوره تدييى كلمه لرى قوللانما» ديهه دوستجا بير خاطيرلاتما ياپديم. ارنستو لاكلانو و شانताल موفه. دوود- دوود- دوود- كئيميش ال لرى يله ياشيلى باسدى. جنيفر له مان كيتابي يلا دوركيم ين داديني قاچيراجاق. الو... تلفون آرخاسيندان يالنيز خيشيلتيلي هاواسسى گلير...